

78 með lægri vöxtum en annarsstaðar fást, en greiða skal hann æfinlega aftur svo
30. júní fljótt sem verða má.

6. gr.

Leita skal konunglegrar staðfestingar á skipulagsskrá þessari.

Í hreppsnefnd Stafholtstungnahrepps.

P.t. Svarfhóli 28. okt. 1933.

Brynjólfur Guðbrandsson.

Kristján F. Björnsson.

Tómas Jónasson.

Jósef Björnsson.

AUGLÝSING

um reglugerð um próf leikfimi- og íþróttakennara.

79
11. júlí

Samkvæmt 2. gr. laga nr. 24 frá 1932, um próf leikfimi- og íþróttakennara, er hérmeð sett eftirfarandi

REGLUGERÐ

um próf leikfimi- og íþróttakennara.

I. KAFLI

1. gr.

Hver sá, er fær fast starf eða er ráðinn sem leikfimi- eða íþróttakennari við ríkisskóla, eða skóla, sem ríkið styrkir, skal hafa lokið prófi eftir fyrirmælum þessarar reglugerðar.

2. gr.

Kennaraefni skulu prófuð í eftirtöldum greinum og sýna með prófinu, að þau hafi numið í hverri grein, það sem þar er til tekið.

- a. Í íslenzku: Undirstöðuatriði málfræðinnar og sæmilega stafsetningu.
- b. Í uppeldisfræði: Hið sama og kennt er í Kennaraskólanum.
- c. Í líkamsfræði: Yfirlit um líkamsbyggingu mannsins svo sem beinagrind, beinatenging, vöðva, innnyfli, hjarta, æðar, heila og taugakerfi, húð og skynfæri.
- d. Í lífeðlisfræði: Starf helztu líffæra mannsins og áhrif íþróttá á það.
- e. Í heilsufræði: Aðalatriði almennrar heilsufræði, svo og „Hjálp í viðlögum“.
- f. Í fimleikafræði: Flokkun fimleikaæfinga og áhrif þeirra, æfingaval fyrir börn, konur og karla.
- g. Í fimleikaiðkunum: Æfingar við hæfi barna, unglunga og fullorðinna, bæði byrjenda og þeirra, sem lengra eru á veg komnir. Kunnáttu í að segja fyrir,

stjórna leikfimi og raða æfingum á stundaskrá. Ennfremur kennslu ýmissa leika, bæði úti og inni.

79

11. júlí

- h. Í öðrum íþróttum, svo sem glímu, skíðaferðum, skautahlaupi, hlaupum, stökkum og köstum, eftir því sem til verður tekið síðar, þegar við verður komið.

II. KAFLI

3. gr.

Um kennarapróf í sundi, sem hægt er að taka sérstaklega, gilda þessar reglur: Sundkennaraefnin verða að standast próf í þeim bóklegu greinum, sem taldar eru í 2. gr. a—e hér að framan.

Próftaki þarf ennfremur að geta leyst af hendi það, sem hér segir:

1. 1000 metra sund, frjáls aðferð, tímahámark 26 mín.
2. 100 metra bringusund, tímahámark 1 mín. og 55 sek.
3. 100 metra baksund, tímahámark 2 mín. 30 sek.
4. 50 metra skriðsund, tímahámark 50 sek.

Við einkunnagjöf í ofangreindu skal, auk hraðans, taka fullt tillit til annara atriða, er sundleikni tilheyrar.

5. 25 metra björgunarsund með mann, báðir klæddir venjulegum klæðnaði, synda með bjargþega með þrennskonar tókum á honum, leysa sig frá honum með þrem leysiaðferðum.

Dómarar ákveða hvaða björgunartök og leysiaðferðir verða viðhafðar. Klæðnaður karla sé þannig:

Sundbolur, nærskyrt, nærbuxur, sokkar, utanyfirbuxur, milliskyrtla flibbi og bindi, stígvélaskór, vesti og jakki.

Kvenfólk sé klætt í: Sundföt, skyrtu, mjaðmarbelti, sokka, stígvélaskó, kjól (eða pils og blússu).

6. Köfun frá yfirborði vatns eftir 5 kg. hlut á $2\frac{1}{2}$ —4 metra dýpi, ennfremur köfun eftir manni til botns á sama dýpi.
7. 25 metra kafsund, steypa má sér til kafsins.
8. Flot án hreyfingar í 1 mínútu.
9. Afklæðzt á sundi úr venjulegum klæðnaði og stígvélum.
10. Kunna að varpa sér til sunds, bæði af venjulegum vatnsbakka og úr $2\frac{1}{2}$ m. hæð áfram.
11. Sýna munnlega og verklega að hann sé fullkomlega fær um að kenna ofangreindar sundaðferðir og önnur atriði sem prófið nær yfir, og einnig allar þekktustu björgunar- og leyfisaðferðir, meðferð á manni, sem legið hefir við drukknun og öndunaraðferðir Schäfers (endurlífgunartilraunir).

III. KAFLI

4. gr.

Prófnefnd þriggja manna, og skipar kennslumálaráðherra einn, fræðslumálastjóri annan og Íþróttasamband Íslands hinn þriðja, sér um próf þessi að öllu leyti og dæmir um kunnáttu, svo og um það, hvort áður fengin prófgögn séu fullnægjandi. Nefndin er skipuð til þriggja ára í senn. Prófnefndin getur kvatt sér til aðstoðar sérfróða menn, er henni þykir við þurfa, t. d. til þess að prófa og dæma um bóklegar greinar.

5. gr.

Prófið skal að jafnaði halda í Reykjavík að vorinu. Þó má halda próf annarsstaðar með leyfi ráðuneytisins.

6. gr.

Einstakir menn, sem íþróttapróf vilja taka, skulu sækja um það til prófnefndar. Ber henni þá að kynna sér, hvort umsækjandi hefir numið það, sem tilgreint er í reglugerð þessari. Ef þeim skilyrðum virðist fullnægt, kveður hún á um stað og stund til prófsins.

7. gr.

Í bóklegu greinunum mega prófin vera hvort sem vill skrifleg eða munnleg. Einkunnir skulu gefnar frá 0—10 og eigi smærri brot en fjórðu partar, sérstök einkunn fyrir hverja grein. Gefa skal einnig sérstaka einkunn fyrir kennslu. Í sundprófinu er gefin sérstök einkunn fyrir hvern tölulíðanna í 3. gr.

8. gr.

Til þess að standast próf þarf að minnsta kosti 5 í aðaleinkunn og 5 í kennslueinkunn og ekki lægra en 3 í neinni grein.

9. gr.

Einkunnir upp að 5 teljast þriðja einkunn; 5 og upp í 7 önnur einkunn; 7 og upp að 9 fyrsta einkunn; 9 og upp í 10 ágætiseinkunn.

10. gr.

Sá, er staðizt hefir próf, fær um það skirteini, undirritað af prófnefnd.

Reglugerð þessi öðlast gildi 1. september næstkomandi.

Þetta er hérmeð birt til eftirbreytni öllum þeim, er hlut eiga að máli.

Í kennslumálaráðuneytinu, 11. júlí 1934.

Þorsteinn Briem.

Gissur Bergsteinsson.